



**“O'ZVAGONTA'MIR” АЖ**  
**акциядорларининг**  
**2017 йил 21 июнда ўтказилган**  
**умумий йиғилишида**  
**«ТАСДИҚЛАНГАН»**  
**Умумий йиғилиш раиси**

**А.Х. МИНАВАРХОДЖАЕВА**

**“O'ZVAGONTA'MIR”**  
**АКЦИЯДОРЛИК ЖАМИЯТИНИНГ**  
**УСТАВИ**  
**(янги таҳрирда)**

**Тошкент шаҳри – 2017 йил.**

## **I. УМУМИЙ ҚОИДАЛАР**

### **Жамиятнинг номи, ҳуқуқий мақоми ҳамда манзили ва электрон почта манзили**

1.1. Жамиятнинг номи:

- Ўзбекистон Республикаси давлат тилида: тўлиқ – "O'ZVAGONTA'MIR" aksiyadorlik jamiyati; қисқача – "O'ZVAGONTA'MIR" AJ;
- Рус тилида: тўлиқ – акционерное общество "O'ZVAGONTA'MIR"; қисқача – АО "O'ZVAGONTA'MIR".

1.2. "O'ZVAGONTA'MIR" очиқ акциядорлик жамияти (қуйида Жамият деб аталади) Ўзбекистон Республикаси Вазирлар Маҳкамасининг 2001 йил 3 мартдаги 108–сон ва 9 мартдаги 119–сон қарорларига, Ўзбекистон Республикаси Давлат мулки қўмитасининг 2002 йил 28 июндаги 184 к–ПО–сон буйруғига асосан "O'ZTA'MIRVAGON" унитар корхонаси негизда қайта ташкил этилган.

1.3. Ўзбекистон Республикасининг "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги 26.04.1996 йилдаги 223–I–сон Қонунига ўзгартириш ва қўшимчалар киритиш ҳақида"ги Ўзбекистон Республикасининг 06.05.2014 йилдаги ЎРҚ–370–сон Қонунига ва жамият акциядорларининг 2014 йил 20 июнда ўтказилган умумий йиғилиши қарорига асосан "O'ZVAGONTA'MIR" очиқ акциядорлик жамияти – "O'ZVAGONTA'MIR" акциядорлик жамиятига ўзгартирилди.

1.4. Жамият ўз фаолиятини Ўзбекистон Республикасининг амалдаги қонунлари ва мазкур Уставга мувофиқ олиб боради.

1.5. Жамият юридик шахс бўлиб, у ўз мустақил балансида ҳисобга олинадиган алоҳида мол–мулкка, шу жумладан ўзининг устав фондига (устав капиталига) берилган мол–мулкка эга, Ўзбекистон Республикаси ҳудудида ва ундан ташқарида жойлашган банкларда ўрнатилган тартибда ҳисоб рақамлар ва бошқа банк ҳисобварақлари очиш ҳуқуқига, ўз номидан мулкӣ ва шахсий номулкий ҳуқуқларини олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.

1.6. Жамият ўзи томонидан тасдиқланган қоидаларга асосланиб иш олиб борадиган филиал, бўлимлар ва ваколатхоналар очиши мумкин.

1.7. Жамиятнинг юридик шахс ҳуқуқига эга бўлган шўъба ва тобе жамиятлари, корхоналари бўлиши мумкин. Жамият билан шўъба ва тобе жамиятлар, корхоналар ўртасидаги муносабатлар амалдаги қонунлар ва мазкур устав билан тартибга солинади.

1.8. Жамият давлат тилида ёзилган тўла (қисқартирилган) ўз номи ва манзили кўрсатилган думалоқ муҳрига, штамп ва бланкаларига, ўз тимсолига, шунингдек белгиланган тартибда рўйхатдан ўтказилган товар белгисига ҳамда бошқа ўз белги – аломатларига эга бўлишига ҳақлидир.

1.9. Жамиятнинг почта ва ҳуқуқий манзили: Ўзбекистон Республикаси, 100155, Тошкент шаҳар, Сергели тумани, Нилуфар кўчаси, 2А уй, электрон почта манзили – [uzvagontamir@mail.ru](mailto:uzvagontamir@mail.ru).

## **II. ЖАМИЯТНИНГ МАҚСАДИ ВА ФАОЛИЯТ ЙЎНАЛИШЛАРИ**

2.1. Жамиятнинг фаолият олиб боришдан асосий мақсади фойда олишдир.

## 2.2. Жамиятнинг фаолият турлари қуйидагилар ҳисобланади:

- барча турдаги юк ташиш, йўловчи вагонларини ва контейнерларни жорий, депо ва капитал таъмирлаш ҳамда модернизация қилиш;
- ҳаракатдаги таркибнинг эҳтиёт қисмларини ва деталларини таъмирлаш ва модернизация қилиш;
- замонавий технологияларини ишлаб чиқишда лойиха – конструкциялаш ва илмий – тадқиқот ишларини олиб бориш;
- вагон хўжалиги фаолияти бўйича зарурий меъёрий – техник хужжатларни ишлаб чиқиш;
- атроф – муҳитни муҳофаза қилиш ва экологик тоза технологияларни тадбиқ этиш бўйича тадбирларни амалга ошириш;
- таъмирлаш эҳтиёжлари учун зарур бўлган бутловчи асбоб – ускуналар, деталлар, эҳтиёт қисмларни чет элдан келтирилиши ва маҳаллий ишлаб чиқарилишини ривожлантириб бориш;
- аҳоли ва корхоналарга маиший уй – жой хўжалиги, транспорт ва савдо хизматлари кўрсатиш;
- халқ истеъмоли моллари ва қурилиш материалларини ишлаб чиқариш ва сотиш;
- транспорт воситаларининг барча турлари учун ностандарт ускуналарни лойхалаштириш ва тайёрлаш;
- ҳаракатдаги таркибнинг алоҳида қисмларини синовдан ўтказиш;
- қурилиш – монтаж, қурилиш – таъмирлаш, монтаж қилиш ва ишга тушириш – созлаш ишлари, ускуналар билан қайта жихозлаш ва бошқа пудрат ишларини амалга ошириш;
- илғор технологияларни ишлаб чиқиш ва ишлаб чиқаришга жорий этиш;
- алоқа коммуникация ва компьютер тизимларини жойлаштириш, маиший ва мураккаб электрон ҳамда оргтехникани созлаш, таъмирлаш ҳамда сервис хизматини кўрсатиш;
- улгуржи тижорат ва савдо фаолиятини амалга ошириш;
- турли хил ишлаб чиқариш чиқиндилари, иккиламчи хом – ашё ва маиший чиқиндиларни ярим тайёр маҳсулот ҳамда тайёр маҳсулот сифатида йиғиш, сотиб олиш, қайта ишлаш ва сотувга чиқариш;
- маркетинг, агентлик ва бошқа хизматлари кўрсатиш;
- пуллик ўқитиш курсларини ташкил қилиш;
- тижорат дўконларини ташкил қилиш ва ишлатиш;
- кўрғазмалар, ким ошди савдолари ва тақдимот маросимларини ташкил қилиш ҳамда ўтказиш;
- қишлоқ хўжалиги, чорвачилик ва паррандачилик билан шуғулланиш ва маҳсулотларини сақлаш, жўнатиш ва сотувга чиқариш;
- умумий овқатланишни ташкил қилиш;
- ташқи иқтисодий фаолият;
- Ўзбекистон Республикаси қонунларига зид бўлмаган бошқа фаолият ва хизмат турларини амалга ошириш.

2.3. Жамият Қонун хужжатларида ман этилмаган ва таъсис хужжатларида кўрсатилмаган исталган фаолият тури билан Қонун хужжатларида белгиланган тартибда шуғулланиши мумкин. Барча фаолият турлари, олиб бориш учун талаб қилинадиган махсус рухсатнома (лицензия) бўйича қонунларда қабул қилинган тартибда лицензия олингандан сўнг

амалга оширилади.

### **III. ЖАМИЯТ УСТАВ ФОНДИНИНГ (УСТАВ КАПИТАЛИНИНГ) МИҚДОРИ, УНИНГ КЎПАЙТИРИШ ВА КАМАЙТИРИШ ТАРТИБИ**

3.1. Жамиятнинг устав фонди (устав капитали) акциядорлар олган жамият акцияларининг номинал қийматидан ташкил топади ва Ўзбекистон Республикасининг миллий валютасида ифодаланади. Жамият томонидан чиқариладиган барча акцияларнинг номинал қиймати бир хил бўлади.

3.2. Жамиятнинг устав фонди (устав капитали) жамият мол—мулкининг жамият кредиторлари манфаатларини кафолатлайдиган энг кам миқдорини белгилайди.

3.3. Устав фондининг қиймати 2.968.227.000 (икки миллиард тўққиз юз олтимиш саккиз миллион икки юз йигирма етти минг) сўм миқдорига белгиланган бўлиб, 2.968.227 дона акцияга бўлинган, шу жумладан:

— «Ўзбекистон темир йўллари» Акциядорлик жамияти — 90 фоиз (Ўзбекистон Республикаси Вазирлар Маъкамасининг 28.10.2009 йилдаги №286—сон қарори), 2.671.404.000 сўм, 2.671.404 дона акцияга бўлинган;

— меҳнат жамоаси ва "Ўзбекистон темир йўллари" АЖ ходимларига — 10 фоиз, 296.823.000 сўм, 296.823 дона — акцияга бўлинган.

#### **Устав фондини кўпайтириш**

3.4. Жамиятнинг устав фонди (устав капитали) қўшимча акцияларни жойлаштириш йўли билан кўпайтирилиши мумкин.

3.5. Қўшимча акциялар фақат жамият уставига белгиланган, эълон қилинган акцияларнинг сони доирасида жамият томонидан жойлаштирилиши мумкин.

3.6. Жамиятнинг устав фондини (устав капиталини) кўпайтириш тўғрисидаги ва жамият уставига тегишли ўзгартишлар киритиш ҳақидаги қарорлар акциядорларнинг умумий йиғилиши томонидан ёки, агар жамият уставига ёхуд акциядорлар умумий йиғилишининг қарорига мувофиқ жамиятнинг кузатув кенгашига шундай қарорлар қабул қилиш ҳуқуқи берилган бўлса, жамиятнинг кузатув кенгаши томонидан қабул қилинади.

#### **Устав фондини камайтириш**

3.7. Жамиятнинг устав фонди (устав капитали) акцияларнинг номинал қийматини камайтириш ёки акцияларнинг умумий сонини қисқартириш йўли билан, шу жумладан акцияларнинг бир қисмини кейинчалик бекор қилган ҳолда жамият томонидан акцияларни олиш йўли билан камайтирилиши мумкин.

3.8. Жамият устав фондини (устав капиталини) камайтиришга, агар бунинг натижасида унинг миқдори жамият устав фондининг (устав капиталининг) жамият уставига тегишли ўзгартишларни давлат рўйхатидан ўтказиш санасида аниқланадиган, Қонунларда белгиланган энг кам миқдоридан камайиб кетса, ҳақли эмас.

### **IV. ЖАМИЯТ АКЦИЯЛАРИНИНГ СОНИ, НОМИНАЛ ҚИЙМАТИ, ТУРЛАРИ**

4.1. Жамият томонидан хар бирининг номинал қиймати 1000 сўм бўлган, оддий эгаси ёзилган, умумий қиймати 2.968.227.000 сўмга тенг бўлган, 2.968.227 дона акциялар чиқарилган.

4.2. Жамият қимматли қоғозларини муомалага чиқариш, рўйхатга олиш, жойлаштириш ва ҳисоб – китоб қилиш тартиби амалдаги қонунчилик ҳамда мазкур уставга мувофиқ белгиланади.

4.3. Жамият акциялар, облигациялар ва Ўзбекистон Республикаси қонунларида ман этилмаган бошқа қимматли қоғозларни муомалага чиқариш ҳуқуқига эга.

4.4. Акциядорлар биринчи чиқарилган акциялар учун бадалларини фақат пул маблағлари билан тўлашлари, кейинги чиқариладиган акциялар учун эса қуйидаги усуллар билан тўлашлари мумкин: пул кўринишида (сўмда ёки чет эл валютасида); турли мулк кўринишида; қимматли қоғозлар кўринишида.

4.5. Жамият акциядорлари янги чиққан акцияларни сотиб олишда имтиёзли ҳуқуқларга эга. Агарда янги чиқарилган акциялар акциядорлар ўртасида ва Жамият ишчилари ўртасида сотилмаган тақдирда қолган акциялар фонд биржаларида эркин савдода сотиш йўли билан тарқатилади.

4.6. Реестр юритувчи акциядорларни реестрини олиб боради, реестрга уларга қарашли қимматли қоғозларни миқдорини, номинал қийматини ва уларга тегишли қимматли қоғозлар категориясини кўрсатади.

4.7. Акциядорнинг акциядорлар умумий йиғилишида иштирок этиши, дивидендлар олиши ва эмитент томонидан корпоратив ҳаракатлар бажарилганда қонун ҳужжатларида назарда тутилган бошқа ҳуқуқларни амалга ошириши Жамият акциядорларининг белгиланган санадаги ҳолатга кўра шакллантирилган реестри асосида амалга оширилади.

4.8. Жамият акцияларининг 50 ва ундан ортиқ фоизи эгасига айланган шахс, агар у бунгача мазкур жамият акцияларига эгалик қилмаган ёки акцияларининг 50 фоизидан камроғига эгалик қилган бўлса, қолган акциялар эгаларига акцияларни бозор қиймати бўйича ўзига сотишлари борасидаги таклифини ўттиз кун ичида эълон қилиши шарт. Акциядорнинг ўзига тегишли акцияларни сотиши тўғрисидаги ёзма розилиги эълон қилинган кундан эътиборан ўттиз кун ичида олинган тақдирда, жамиятнинг 50 ва ундан ортиқ фоиз акциялари эгаси мазкур акцияларни сотиб олиши шарт.

## **V. АКЦИЯДОРЛАРНИНГ ҲУҚУҚ ВА БУРЧЛАРИ**

5.1. Жамиятнинг хар бир оддий акцияси акциядорга, яъни унинг эгасига тенг ҳуқуқ беради.

5.2. Оддий акцияларнинг эгалари бўлган акциядорлар қонунга ва жамият уставига мувофиқ акциядорларнинг умумий йиғилишида мазкур йиғилиш ваколатига кирадиган барча масалалар бўйича овоз бериш ҳуқуқи билан иштирок этиши мумкин, шунингдек дивидендлар олиш, жамият тугатилган тақдирда эса, ўзларига тегишли улушга мувофиқ жамият мол – мулкнинг бир қисмини олиш ҳуқуқига эга.

5.3. Акциядорлар қуйидаги ҳуқуқларга эга:

- тегишли жамият акциядорларининг реестрига киритилиш;
- депозитарийдаги депо ҳисобварақидан ўзига тааллуқли кўчирма

олиш;

- жамият фойдасининг бир қисмини дивидендлар тарзида олиш;
- жамият тутатилган тақдирда ўзларига тегишли улушга мувофиқ мол — мулкнинг бир қисмини олиш;
- акциядорларнинг умумий йиғилишларида овоз бериш орқали жамиятни бошқаришда иштирок этиш;
- жамиятнинг молия — хўжалик фаолияти натижалари тўғрисида тўлиқ ва ишончли ахборотни белгиланган тартибда олиш;
- олган дивидендини эркин тасарруф этиш;
- қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;
- ўзига етказилган зарарнинг ўрни қопланишини белгиланган тартибда талаб қилиш;
- ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат ноижорат ташкилотларига бирлашиш;
- қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш ҳуқуқига эга.

5.4. Акцияларни бошқа шахсга беришга доир чеклов белгиланиши акциядорни — мазкур акциялар эгасини ушбу қонунда белгиланган тартибда жамиятни бошқаришда иштирок этиш ва улар бўйича дивидендлар олиш ҳуқуқидан маҳрум қилмайди.

5.5. Акциядорлар мажбуриятлари:

- ушбу уставда кўзда тутилган тартиб, миқдор ва усулда акцияларга пул тўлаш;
- ушбу уставда ва Ўзбекистон Республикасининг "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги 26.04.1996 йилдаги 223—I—сон янги таҳрирдаги Қонунида (кейинги матнларда Қонун) кўрсатилган тартибда Жамият бошқарувида қатнашиш;
- Жамият бошқаруви органларининг қарорларига, мазкур уставда кўзда тутилган доирада бўйсунуш;
- Жамият фаолияти тўғрисидаги махфий ахборотларни тарқатмаслик.

## **VI. ЗАХИРА ВА БОШҚА ЖАМҒАРМАЛАРНИ ТАШКИЛ ЭТИШ ТАРТИБИ**

6.1. Жамият соф фойдаси ҳисобидан устав фондининг (устав капиталининг) 15 фоизи миқдорида — захира фонди ташкил этилади.

6.2. Жамиятнинг захира фонди жамият уставида белгиланган миқдорга етгунига қадар соф фойдадан ҳар йилги мажбурий ажратмалар орқали шакллантирилади. Ҳар йилги ажратмаларнинг миқдори жамият уставида назарда тутилади, аммо бу миқдор жамият уставида белгиланган миқдорга етгунига қадар соф фойданинг беш фоизидан кам бўлмаслиги керак.

6.3. Бошқа маблағлар мавжуд бўлмаган тақдирда, жамиятнинг захира фонди жамиятнинг зарарлари ўрнини қоплаш, жамиятнинг корпоратив облигацияларини муомаладан чиқариш, имтиёзли акциялар бўйича дивидендлар тўлаш ва жамиятнинг акцияларини қайтариб сотиб олиш учун мўлжалланади.

6.4. Жамиятнинг захира фондидан бошқа мақсадлар учун фойдаланиш

мумкин эмас.

6.5. Жамият бошқа фондларни ташкил этиш назарда тутилиши мумкин.

6.6. Жамият соф активларининг қиймати бухгалтерия ҳисоби маълумотлари бўйича, жамият активлари ва мажбуриятларининг умумий суммаси ўртасидаги фарқ сифатида аниқланади.

## **VII. ДИВИДЕНДЛАРНИ ТАҚСИМЛАШ ВА ТЎЛАШ ТАРТИБИ**

7.1. Дивиденд жамият соф фойдасининг акциядорлар ўртасида тақсимланадиган қисмидир.

7.2. Жамият акцияларнинг ҳар бир тури бўйича эълон қилинган дивидендларни тўлаши шарт.

7.3. Дивиденд акциядорларнинг умумий йиғилиши қарорига кўра пул маблағлари ёки бошқа қонуний тўлов воситалари ёхуд жамиятнинг қимматли қоғозлари билан тўланиши мумкин.

7.4. Дивиденд акциядорлар ўртасида уларга тегишли акцияларнинг сони ва турига мутаносиб равишда тақсимланади.

7.5. Жамият молиявий йилнинг натижаларига кўра, жойлаштирилган акциялар бўйича дивидендлар тўлаш тўғрисида қарор қабул қилишга ҳақли.

7.6. Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор жамият кузатув кенгашининг тавсияси, молиявий ҳисоботнинг ишончлилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида акциядорларнинг умумий йиғилиши томонидан қабул қилинади. Дивидендларнинг миқдори жамият кузатув кенгаши томонидан тавсия этилган миқдордан кўп бўлиши мумкин эмас.

7.7. Дивидендлар жамиятнинг жамият тасарруфида қоладиган соф фойдасидан ва (ёки) ўтган йилларнинг тақсимланмаган фойдасидан тўланади.

7.8. Дивидендларни тўлаш муддати ва тартиби жамиятнинг акциядорларнинг умумий йиғилиши қарорида белгиланади. Дивидендларни тўлаш муддати шундай қарор қабул қилинган кундан эътиборан олтиш кундан кеч бўлмаслиги лозим.

7.9. Эгаси ёки эгасининг қонуний ҳуқуқий вориси ёхуд меросхўри томонидан уч йил ичида талаб қилиб олинмаган дивиденд акциядорларнинг умумий йиғилиши қарорига кўра жамият ихтиёрида қолади.

7.10. Акциядорларга дивидендларни тўлаш тўғрисида қарор қабул қилинган акциядорларнинг умумий йиғилишини ўтказиш учун шакллантирилган жамият акциядорларининг реестрида қайд этилган шахслар акциялар бўйича дивиденд олиш ҳуқуқига эга.

7.11. Дивидендларни тўлашга доир чекловлар, жамият:

— агар дивидендлар тўланадиган пайтда жамиятда банкротлик белгилари мавжуд бўлса ёки жамиятда шундай белгилар дивидендларни тўлаш натижасида пайдо бўлса;

— агар жамият соф активларининг қиймати унинг устав фонди (устав капитали) ва захира фонди суммасидан кам бўлса, акциялар бўйича дивидендлар тўлаш тўғрисида қарор қабул қилишга ҳамда дивидендлар тўлашга ҳақли эмас.

7.12. Юқоридаги бандда кўрсатилган ҳолатлар тугатилгач, жамият

ҳисобланган дивидендларни акциядорларга тўлаши шарт.

7.13. Жамият дивидендларнинг миқдорини улардан ундириладиган солиқларни инобатга олмаган ҳолда эълон қилади.

7.14. Жамият тўланадиган дивидендлар миқдори тўғрисидаги маълумотларни қимматли қоғозлар бозорини тартибга солиш бўйича ваколатли давлат органининг ва жамиятнинг расмий веб – сайтларида қонун ҳужжатларида белгиланган муддатларда эълон қилади.

7.15. Дивидендларга солиқ солиш солиқ тўғрисидаги қонун ҳужжатларига мувофиқ амалга оширилади ва бунда солиқ солиш бўйича имтиёзлар белгиланиши мумкин.

## **VIII. АКЦИЯДОРЛАРНИНГ УМУМИЙ ЙИГИЛИШИ ВА УНИНГ ВАКОЛАТЛАРИ**

8.1. Акциядорларнинг умумий йиғилиши, кузатув кенгаши ва ижроия органи жамиятнинг бошқарув органларидир.

8.2. Акциядорларнинг умумий йиғилиши жамиятнинг юқори бошқарув органидир.

8.3. Акциядорларнинг умумий йиғилишини жамият кузатув кенгашининг раиси, у узрли сабабларга кўра бўлмаган тақдирда эса, жамият кузатув кенгашининг аъзоларидан бири олиб боради.

8.4. Акциядорларнинг йиллик умумий йиғилиши жамият уставида белгиланган муддатларда, аммо молия йили тугатилганидан кейин олти ойдан кечиктирмай ўтказилади. Акциядорларнинг йиллик умумий йиғилишида жамиятнинг кузатув кенгашини ва тафтиш комиссиясини (тафтишчисини) сайлаш тўғрисидаги, шунингдек жамиятнинг йиллик ҳисоботи, жамият ижроия органи ва кузатув кенгашининг жамиятни ривожлантириш стратегиясига эришиш бўйича кўрилатган чора – тадбирлар тўғрисидаги ҳисоботлари ва бошқа ҳужжатлари кўриб чиқилади.

8.5. Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилишлардир.

8.6. Акциядорларнинг умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати жамиятнинг кузатув кенгаши томонидан белгиланади.

**8.7. Акциядорлар умумий йиғилишининг ваколат доирасига қуйидагилар киради:**

- жамиятни қайта ташкил этиш;
- жамиятни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;
- жамият кузатув кенгашининг ва миноритар акциядорлар қўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;
- ўз акцияларини олиш;
- жамиятнинг ташкилий тузилмасини тасдиқлаш;
- жамият тафтиш комиссиясининг аъзоларини (тафтишчисини) сайлаш ва уларнинг ваколатларини муддатидан илгари тугатиш, шунингдек тафтиш комиссияси (тафтишчи) тўғрисидаги низомни тасдиқлаш;
- жамиятнинг йиллик ҳисоботини ва йиллик бизнес – режасини, шунингдек жамият фаолиятининг асосий йўналишлари ва мақсадидан



келиб чиққан ҳолда жамиятни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш;

- жамиятнинг фойдаси ва зарарларини тақсимлаш;
- жамият кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисоботларини ва тафтиш комиссиясининг (тафтишчисининг) хулосаларини эшитиш;

- акциядорлар умумий йиғилишининг регламентини тасдиқлаш;

- акцияларни майдалаш ва йириклаштириш;

- қонун ҳужжатларига мувофиқ бошқа масалаларни ҳал этиш.

#### **8.8. Акциядорлар умумий йиғилишининг қарорлари:**

- акциядорларнинг умумий йиғилишида овозга қўйилган масалалар бўйича жамиятнинг оддий акциялари эгалари бўлган акциядорлар овоз бериш ҳуқуқига эга бўладилар.

- овозга қўйилган масала бўйича акциядорлар умумий йиғилишининг қарори, жамиятнинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик (оддий кўпчилик) овози билан қабул қилинади.

- қабул қилинган қарорлар, шунингдек овоз бериш яқунлари қабул қилинган санадан эътиборан ўттиз кундан кечиктирмай акциядорлар эътиборига етказилади.

**8.9. Акциядорларнинг умумий йиғилишини ўтказиш тўғрисидаги хабар** акциядорларнинг умумий йиғилиши ўтказиладиган санадан камида етти кундан кечиктирмай, лекин узоғи билан ўттиз кун олдин жамиятнинг расмий веб–сайтида, оммавий ахборот воситаларида эълон қилинади, шунингдек акциядорларга электрон почта орқали юборилади.

**8.10. Кун тартибига таклифлар киритиш.** Жамият овоз берувчи акцияларининг ҳаммаси бўлиб камида бир фоизига эгалик қилувчи акциядорлар (акциядор) жамиятнинг молия йили тугаганидан кейин ўттиз кундан кечиктирмай, акциядорларнинг йиллик умумий йиғилиши кун тартибига масалалар киритишга ҳамда жамият кузатув кенгаши ва тафтиш комиссиясига (тафтишчилигига) бу органнинг миқдор таркибидан ошмайдиган тарзда номзодлар кўрсатишга ҳақли.

**8.11. Акциядорларнинг умумий йиғилишини ўтказишга тайёргарлик** кўрилатганда жамиятнинг кузатув кенгаши, қонуннинг 65–моддасининг ўн биринчи қисмида назарда тутилган ҳолларда эса, умумий йиғилишни чақирувчи шахслар қуйидагиларни белгилайди:

- умумий йиғилиш ўтказиладиган сана, вақт ва жойни;

- умумий йиғилишнинг кун тартибини;

- умумий йиғилиш ўтказиш учун жамият акциядорларининг реестри шакллантириладиган санани;

- умумий йиғилиш ўтказилиши ҳақида акциядорларга ва давлат вакилига хабар қилиш тартибини;

- умумий йиғилишни ўтказишга тайёргарлик кўрилатганда акциядорларга ва давлат вакилига тақдим этиладиган ахборот (материаллар) рўйхатини;

- овоз бериш бюллетенининг шакли ва матнини.

**8.12. Акциядорларнинг умумий йиғилиши ўтказиладиган сана уни**

ўтказиш тўғрисида қарор қабул қилинган кундан эътиборан ўн кундан кам ва ўттиз кундан кўп этиб белгиланиши мумкин эмас.

**8.13. Акциядорларнинг навбатдан ташқари умумий йиғилиши** жамият кузатув кенгашининг қарорига кўра унинг ўз ташаббуси асосида, тафтиш комиссиясининг (тафтишчининг) ёзма талаби, шунингдек ёзма талаб тақдим этилган санада жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) ёзма талаби асосида ўтказилади.

8.14. Жамият тафтиш комиссиясининг (тафтишчисининг) ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) ёзма талабига кўра акциядорларнинг навбатдан ташқари умумий йиғилишини чақириш акциядорларнинг навбатдан ташқари умумий йиғилишини ўтказиш ҳақида ёзма талаб тақдим этилган кундан эътиборан ўттиз кундан кечиктирмай жамиятнинг кузатув кенгаши томонидан амалга оширилади.

**8.15. Саноқ комиссияси.** Овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан саноқ комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланади.

8.16. Саноқ комиссиясининг таркиби камида уч кишидан иборат бўлиши керак. Саноқ комиссияси таркибига жамият кузатув кенгашининг аъзолари, тафтиш комиссиясининг аъзолари (тафтишчиси), жамият директори, жамият бошқаруви аъзолари, ишончли бошқарувчи, шунингдек ана шу лавозимларга номзоди кўрсатилган шахслар кириши мумкин эмас. Саноқ комиссияси акциядорларнинг умумий йиғилишида кворум бор ёки йўқлигини аниқлайди.

**8.17. Акциядорларнинг умумий йиғилишида иштирок этиш ҳуқуқи** акциядор томонидан шахсан ёки унинг вакили орқали амалга оширилади.

**8.18. Акциядорлар умумий йиғилишининг кворуми.** Агар акциядорларнинг умумий йиғилишида иштирок этиш учун рўйхатдан ўтказиш тугалланган пайтда жамиятнинг жойлаштирилган овоз берувчи акцияларининг жами элик фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг умумий йиғилиши ваколатли (кворумга эга) бўлади.

8.19. Акциядорларнинг умумий йиғилишини ўтказиш учун кворум бўлмаса, акциядорларнинг такрорий умумий йиғилишини ўтказиш санаси эълон қилинади. Акциядорларнинг такрорий умумий йиғилишини ўтказишда кун тартибини ўзгартиришга йўл қўйилмайди.

8.20. Агар акциядорларнинг ўтказилмай қолган йиғилиши ўрнига чақирилган такрорий умумий йиғилишида иштирок этиш учун рўйхатдан ўтказиш тугалланган пайтда жамиятнинг жойлаштирилган овоз берувчи акцияларининг жами қирқ фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг такрорий умумий йиғилиши ваколатли бўлади.

**8.21. Акциядорларнинг умумий йиғилишида овоз бериш,** «жамиятнинг овоз берувчи битта акцияси — битта овоз» принципи бўйича амалга оширилади, жамиятнинг кузатув кенгаши аъзоларини сайлаш бўйича кумулятив овоз беришни ўтказиш ҳоллари бундан мустасно.

**8.22. Овоз бериш бюллетени.** Акциядорларнинг умумий йиғилишида

кун тартиби масалалари бўйича овоз бериш овоз бериш бюллетенлари орқали амалга оширилади.

**8.23. Овоз берилганида овозларни санаб чиқиш.** Овоз берилганида овоз берувчи қайси масала бўйича эҳтимол тутилган овоз бериш вариантларидан фақат биттасини қолдирган бўлса, ўша масала бўйича берилган овозлар ҳисобга олинади. Мазкур талабни бузган ҳолда тўлдирилган овоз бериш бюллетенлари ҳақиқий эмас деб топилади ва улардаги масалалар бўйича берилган овозлар ҳисобга олинмайди.

**8.24. Овоз бериш якунлари тўғрисидаги баённома.** Овоз бериш якунлари бўйича санақ комиссияси овоз бериш якунлари тўғрисида баённома тузади, баённома жумладан акциядорлар умумий йиғилишининг кворуми мавжудлиги тўғрисидаги маълумотларни ҳам ўз ичига олади ва санақ комиссиясининг аъзолари томонидан имзоланади. Овоз бериш якунлари тўғрисида баённома тузилганидан ва акциядорлар умумий йиғилишининг баённомаси имзоланганидан кейин овоз бериш бюллетенлари санақ комиссияси томонидан муҳрланади ҳамда сақлаб қўйиш учун жамиятнинг архивига топширилади.

**8.25. Акциядорлар умумий йиғилишининг баённомаси.** Акциядорлар умумий йиғилишининг баённомаси акциядорларнинг умумий йиғилиши ёпилганидан кейин ўн кундан кечиктирмай икки нусхада тузилади. Ҳар иккала нусха ҳам умумий йиғилишда раислик қилувчи ва умумий йиғилиш котиби томонидан имзоланади.

## **IX. ЖАМИЯТ КУЗАТУВ КЕНГАШИ ВА УНИНГ ВАКОЛАТЛАРИ**

9.1. Жамиятнинг кузатув кенгаши жамият фаолиятига умумий раҳбарликни амалга оширади.

9.2. Акциядорлар умумий йиғилишининг қарорига кўра жамият кузатув кенгашининг аъзоларига улар ўз вазифаларини бажариб турган давр учун ҳақ тўланиши ва (ёки) кузатув кенгашининг аъзоси вазифаларини бажариш билан боғлиқ харажатларининг ўрни қопланиши мумкин. Бундай ҳақ ва тўловларнинг миқдорлари акциядорларнинг умумий йиғилиши қарорида белгиланади.

**9.3. Жамият кузатув кенгашининг ваколат доирасига қуйидагилар киради:**

— жамиятни ривожлантириш стратегиясига эришиш бўйича кўрилаётган чора—тадбирлар тўғрисида жамият ижроия органининг ҳисоботини мунтазам равишда эшитиб борган ҳолда жамият фаолиятининг устувор йўналишларини белгилаш;

— акциядорларнинг йиллик ва навбатдан ташқари умумий йиғилишларини чақириш;

— акциядорлар умумий йиғилишининг кун тартибини тайёрлаш;

— акциядорларнинг умумий йиғилиши ўтказиладиган сана, вақт ва жойни белгилаш;

— акциядорларнинг умумий йиғилиши ўтказилиши ҳақида хабар қилиш учун жамият акциядорларининг реестрини шакллантириш санасини белгилаш;

— мол—мулкнинг бозор қийматини белгилашни ташкил этиш;

— корпоратив маслаҳатчини тайинлаш ва унинг фаолияти тартибини белгиловчи низомни тасдиқлаш, агар жамият уставида бундай лавозимни жорий этиш назарда тутилган бўлса;

- ички аудит хизматини ташкил этиш ва унинг ходимларини тайинлаш, шунингдек ҳар чорақда унинг ҳисоботларини эшитиб бориш;
- жамият ижроия органининг фаолиятига дахлдор ҳар қандай ҳужжатлардан эркин фойдаланиш ва жамият кузатув кенгаши зиммасига юклатилган вазифаларни бажариш учун бу ҳужжатларни ижроия органидан олиш. Жамият кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;
- аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;
- жамиятнинг тафтиш комиссияси аъзоларига (тафтишчисига) тўланадиган ҳақ ва компенсацияларнинг миқдорлари юзасидан тавсиялар бериш;
- дивиденд миқдори, уни тўлаш шакли ва тартиби юзасидан тавсиялар бериш;
- жамиятнинг захира фондидан ва бошқа фондларидан фойдаланиш;
- жамиятнинг филиалларини ташкил этиш ва ваколатхоналарини очиш;
- жамиятнинг шўъба ва тобе хўжалик жамиятларини ташкил этиш;
- қонуннинг 8 ва 9–бобларида (йирик битим ва аффилиланган шахслар билан тузиладиган битим) назарда тутилган ҳолларда битимлар тузиш ҳақида қарор қабул қилиш;
- жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;
- жамиятнинг корпоратив облигацияларини қайтариб сотиб олиш тўғрисида қарор қабул қилиш.
- жамиятнинг устав фондиди (устав капиталини) кўпайтириш масалаларини, шунингдек жамият уставига жамиятнинг устав фондиди (устав капиталини) кўпайтириш билан боғлиқ ўзгартиш ва қўшимчалар киритиш тўғрисидаги масалаларни ҳал қилиш;
- қонуннинг 34–моддасига мувофиқ акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;
- жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;
- қимматли қоғозларнинг ҳосилаларини чиқариш тўғрисида қарор қабул қилиш;
- жамиятнинг яккабошчилик асосидаги ижроия органи раҳбари (Бош директор) билан шартнома тузиш, у билан тузилган шартноманинг муддатини узайтириш, уни қайта тузиш ёки бекор қилиш, Бош директор ваколатларини муддатидан илгари тугатиш;
- жамият кузатув кенгашининг қарорига кўра жамият Бош директорини тайинлаш, қоида тариқасида, чет элик менежерлар иштирок этиши мумкин бўлган танлов бўйича саралаш асосида амалга оширилиши мумкин;
- ижроия органига тўланадиган ҳақ ва компенсацияларнинг миқдорларини белгилаш;
- жамиятнинг корпоратив облигацияларини қайтариб сотиб олиш

тўғрисида қарор қабул қилиш;

— жамиятнинг йиллик бизнес — режасини тасдиқлаш.

9.4. Жамият кузатув кенгашининг ваколат доирасига қонун ва жамият уставига мувофиқ бошқа масалаларни ҳал этиш ҳам киритилиши мумкин.

9.5. Жамият кузатув кенгашининг ваколат доирасига киритилган масалалар ҳал қилиш учун жамиятнинг ижроия органига ўтказилиши мумкин эмас.

9.6. **Жамият кузатув кенгашининг аъзоларини сайлаш.** Жамият кузатув кенгашининг аъзолари қонунда ва мазкур уставда назарда тутилган тартибда акциядорларнинг умумий йиғилиши томонидан бир йил муддатга сайланади.

9.7. Жамиятнинг кузатув кенгаши таркибига сайланган шахслар чекланмаган тарзда қайта сайланиши мумкин.

9.8. Жамият бошқаруви аъзолари ва директори жамиятнинг кузатув кенгашига сайланиши мумкин эмас.

9.9. Айти шу жамиятда меҳнат шартномаси (контракт) бўйича ишлаётган шахслар жамиятнинг кузатув кенгаши аъзоси бўлиши мумкин эмас.

9.10. Жамият кузатув кенгаши 9 аъзодан таркиб топади.

9.11. Жамиятнинг кузатув кенгаши аъзолари сайлови кумулятив овоз бериш орқали амалга оширилади. Энг кўп овоз тўплаган номзодлар жамият кузатув кенгашининг таркибига сайланган деб ҳисобланади.

9.12. **Жамият кузатув кенгашининг раиси, кузатув кенгаши аъзоларининг умумий сонига нисбатан кўпчилик овоз билан, ушбу кенгаш таркибидан кузатув кенгаши аъзолари томонидан сайланади.**

9.13. Жамият кузатув кенгашининг раиси бўлмаган тақдирда унинг вазифасини кузатув кенгашининг аъзоларидан бири амалга оширади.

9.14. **Жамият кузатув кенгашининг мажлиси, кузатув кенгашининг раиси томонидан унинг ўз ташаббусига кўра, жамият кузатув кенгаши, тафтиш комиссияси (тафтишчисининг), ижроия органи аъзосининг талабига кўра чақирилади.**

9.15. Жамият кузатув кенгашининг мажлисини ўтказиш учун кворум жамият кузатув кенгашига сайланган аъзоларнинг етмиш беш фоизидан кам бўлмаслиги керак.

9.16. Жамият кузатув кенгаши мажлисининг баённомаси мажлисда иштирок этаётган жамият кузатув кенгаши аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.

9.17. Кузатув кенгаши ўз фаолиятини амалдаги қонунчилик ва ушбу устав ҳамда Жамият акциядорлар умумий йиғилиши томонидан тасдиқланган жамият кузатув кенгаши ҳақидаги Низомлар асосида олиб боради.

## **Х. ЖАМИЯТ ИЖРОИЯ ОРГАНИ**

10.1. Жамиятнинг кундалик фаолиятига раҳбарлик қилиш жамият Бош директори томонидан амалга оширилади.

10.2. Жамият Бош директори лавозимига ишга қабул қилиш, вазифасидан озод этиш, иш ҳақи ва мукофот пули миқдорларини белгилаш, қўшимча ҳақларни тўлаш, интизомий жазо чораларини қўллаш ва уларни бекор қилиш масалалари жамият кузатув кенгаши қарорларига асосан

амалга оширилади.

10.3. Жамият ижроия органининг ваколатига жамиятнинг кундалик фаолиятига раҳбарлик қилишга доир барча масалалар киради, акциядорлар умумий йиғилишининг ёки жамият кузатув кенгашининг ваколат доирасига киритилган масалалар бундан мустасно.

10.4. Жамиятнинг ижроия органи акциядорлар умумий йиғилишининг ва жамият кузатув кенгашининг қарорлари бажарилишини ташкил этади.

10.5. Жамиятнинг Бош директори жамият номидан ишончномасиз иш юритади, шу жумладан унинг манфаатларини ифодалайди, жамият номидан битимлар тузади, жамиятнинг филиали ёки ваколатхонаси раҳбарини тайинлайди, штатларни тасдиқлайди, жамиятнинг барча ходимлари бажариши мажбурий бўлган буйруқлар чиқаради ва кўрсатмалар беради.

10.6. Жамият Бош директорининг ҳуқуқ ва мажбуриятлари тегишинча амалдаги қонун ҳужжатлари ва мазкур жамият уставида ҳамда уларнинг ҳар бири жамият билан бир йил муддатга тузадиган шартномада белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор қабул қилинади. Шартнома жамият номидан жамият кузатув кенгашининг раиси ёки кузатув кенгаши ваколат берган шахс томонидан имзоланади. Жамиятнинг Бош директори билан тузиладиган шартномада уларнинг жамият фаолияти самарадорлигини ошириш бўйича мажбуриятлари ҳамда жамиятнинг йиллик бизнес – режасини бажариш қандай бораётганлиги юзасидан акциядорларнинг умумий йиғилиши ва жамият кузатув кенгаши олдида берадиган ҳисоботларининг даврийлиги назарда тутилиши керак.

10.7. Жамиятнинг Бош директорига тўланадиган ҳақ миқдори, тўлаш шартлари жамият фаолиятининг самарадорлигига тўғридан – тўғри боғлиқ бўлади ва шартномада белгиланган бўлади.

## **XI. ЖАМИЯТНИНГ МИНОРИТАР АКЦИЯДОРЛАРИ ҚЎМИТАСИ.**

11.1. Миноритар акциядорларнинг ҳуқуқлари ва қонуний манфаатларини ҳимоя қилиш мақсадида жамиятда уларнинг орасидан миноритар акциядорларнинг қўмитаси ташкил этилиши мумкин.

11.2. Миноритар акциядорлар қўмитасининг таркибига номзодлар бўйича таклифлар жамиятга жамият кузатув кенгашига номзодлар бўйича таклифлар киритиш учун назарда тутилган тартибда ва муддатларда киритилади.

11.3. Миноритар акциядорлар қўмитасининг аъзоларини сайлашда акциядорларнинг умумий йиғилишида ҳозир бўлган ва жамият кузатув кенгашига номзодлар кўрсатмаган ёхуд акциядорларнинг ўтказилаётган умумий йиғилишида кузатув кенгашига номзодлари сайланмаган акциядорлар иштирок этади.

11.4. Миноритар акциядорлар қўмитасининг таркибига жамиятнинг Бош директори, бошқарув аъзолари, шунингдек жамиятнинг кузатув кенгашига ва тафтиш комиссиясига (тафтишчиси этиб) сайланган шахслар кириши мумкин эмас.

11.5. Миноритар акциядорлар қўмитасининг ваколатига қуйидагилар киради:

акциядорларнинг умумий йиғилиши ёки жамиятнинг кузатув

кенгаши кўриб чиқиши учун киритилаётган йирик битимлар ва аффилиланган шахслар билан битимлар тузишга оид масалалар бўйича таклифлар тайёрлашда иштирок этиш;

миноритар акциядорларнинг ўз ҳуқуқлари ва қонуний манфаатларини ҳимоя қилиш билан боғлиқ муурожаатларини кўриб чиқиш;

қимматли қоғозлар бозорини тартибга солиш бўйича ваколатли давлат органига миноритар акциядорларнинг ҳуқуқлари ва қонуний манфаатларини ҳимоя қилиш тўғрисида муурожаатлар киритиш;

қонун ҳужжатларига ва жамият уставига мувофиқ бошқа масалаларни кўриб чиқиш.

11.6. Миноритар акциядорлар қўмитасининг қарорлари оддий кўпчилик овоз билан қабул қилинади. Миноритар акциядорлар қўмитасининг мажлислари унинг миқдор таркибига сайланган шахсларнинг камида тўртдан уч қисми ҳозир бўлганда ваколатлидир.

11.7. Миноритар акциядорлар қўмитаси аъзоларининг сони 7та қилиб белгиланган.

11.8. Миноритар акциядорларнинг қўмитаси қабул қилинган қарорлар тўғрисида ҳар йили акциядорларнинг умумий йиғилишида ҳисобот беради.

11.9. Миноритар акциядорлар қўмитасининг раиси ушбу қўмита таркибидан миноритар акциядорлар қўмитасининг аъзолари томонидан кўпчилик овоз билан сайланади.

11.10. Миноритар акциядорлар қўмитасининг раиси миноритар акциядорлар қўмитасининг ваколат доирасига киритилган барча масалалар бўйича жамиятнинг ҳужжатларидан фойдаланиш ҳуқуқига эга.

11.11. Миноритар акциядорлар қўмитасининг фаолият кўрсатиш тартиби қимматли қоғозлар бозорини тартибга солиш бўйича ваколатли давлат органи томонидан тасдиқланади.

11.12. Миноритар акциядорлар қўмитаси жамиятнинг хўжалик фаолиятига аралаштиришга ҳақли эмас.

11.13. Миноритар акциядорлар қўмитасининг фаолиятига жамият кузатув кенгашининг ёки ижроия органининг аралашувига йўл қўйилмайди.

## **ХII. ЖАМИЯТ ТОМОНИДАН ЙИРИК БИТИМЛАР ТУЗИШ**

12.1. Жамият томонидан мол—мулкни олиш ёки уни бошқа шахсга бериш ёхуд мол—мулкни бошқа шахсга бериш эҳтимоли билан боғлиқ битим (шу жумладан қарз, кредит, гаров, кафиллик) ёки ўзаро боғланган бир нечта битим, агар бошқа шахсга берилаётган мол—мулкнинг ёки олинаётган мол—мулкнинг баланс қиймати бундай битимларни тузиш тўғрисидаги қарор қабул қилинаётган санада жамият соф активлари миқдорининг ўн беш фоизидан ортиғини ташкил этса, йирик битим деб ҳисобланади, кундалик хўжалик фаолиятини юритиш жараёнида тузиладиган битимлар ҳамда акцияларни ва бошқа қимматли қоғозларни жойлаштириш билан боғлиқ бўлган битимлар бундан мустасно.

12.2. Баланс қиймати ёки олиш қиймати битим тузиш тўғрисида қарор қабул қилинаётган санада жамият соф активлари миқдорининг ўн беш фоизидан элик фоизигачасини ташкил этувчи мол—мулк хусусида йирик битим тузиш тўғрисидаги қарор жамият кузатув кенгашининг аъзолари томонидан бир овоздан қабул қилинади, бунда кузатув кенгашидан чиқиб кетган аъзоларнинг овози инобатга олинмайди.



12.3. Йирик битим тузиш масаласи бўйича жамият кузатув кенгашининг яқдиллигига эришилмаган тақдирда йирик битим тузиш тўғрисидаги масала кузатув кенгашининг қарорига кўра акциядорларнинг умумий йиғилиши ҳал қилиши учун олиб чиқилиши мумкин.

12.4. Баланс қиймати ёки олиш қиймати битим тузиш тўғрисида қарор қабул қилинаётган санада жамият соф активлари миқдорининг элик фоизидан ортигини ташкил этувчи мол – мулк хусусида йирик битим тузиш тўғрисидаги қарор акциядорларнинг умумий йиғилиши томонидан қабул қилинади.

12.5. Йирик битим жамият акциядорларининг умумий йиғилиши ёки кузатув кенгаши ушбу битим бўйича қарор қабул қилганидан кейин жамиятнинг ижроия органи томонидан амалга оширилади.

### **ХIII. ЖАМИЯТНИНГ АФФИЛЛАНГАН ШАХСЛАРИ БИЛАН БИТИМЛАР ТУЗИШ**

13.1. Жамият битим тузишидан манфаатдор шахслар мазкур жамиятга нисбатан аффилланган шахслар деб эътироф этилади.

13.2. Қуйидагилар жамиятнинг аффилланган шахслари деб эътироф этилади:

1) ушбу жамиятнинг йигирма фоиз ва ундан ортиқ фоиз акцияларига эгалик қилувчи юридик шахс;

2) ушбу жамиятнинг йигирма фоиз ва ундан ортиқ фоиз акцияларига яқин қариндошлари билан биргаликда эгалик қилувчи жисмоний шахс;

3) ушбу жамият кузатув кенгашининг аъзоси, жамият бош директорининг ёхуд жамият бошқаруви аъзосининг ваколатларини амалга ошираётган шахс;

4) ушбу жамият қайси юридик шахс устав капиталининг йигирма фоизи ва ундан ортиқ фоизига эгалик қилса, ўша юридик шахс;

5) ушбу жамият устав капиталининг йигирма фоизи ва ундан ортиқ фоизига эгалик қилувчи айна бир шахс қайси юридик шахс устав капиталининг йигирма фоизи ва ундан ортиқ фоизига эгалик қилса, ўша юридик шахс;

6) ушбу жамият кузатув кенгашининг камида учдан бир қисмини ташкил этувчи айна бир шахслар ва уларнинг яқин қариндошлари қайси юридик шахс кузатув кенгашининг камида учдан бир қисмини ташкил этса, ўша юридик шахс;

7) ушбу жамиятнинг бош директори ёхуд бошқарув аъзоси бўлган айна бир шахс ёки унинг яқин қариндошлари қайси юридик шахс ижроия органининг раҳбари вазифасини амалга ошираётган бўлса, ўша юридик шахс;

8) яқин қариндошлари билан биргаликда ушбу жамият кузатув кенгашининг камида учдан бир қисмини ташкил этувчи шахс қайси юридик шахс раҳбарининг ёки ижроия органи аъзосининг вазифасини амалга ошираётган бўлса, ўша юридик шахс;

13.3. Қуйидагилар жамиятнинг аффилланган шахси бўлган акциядор — жисмоний шахснинг аффилланган шахслари деб эътироф этилади:

1) ушбу жисмоний шахс ва унинг яқин қариндошлари қайси юридик шахс устав капиталининг йигирма фоизи ва ундан ортиқ фоизига эгалик қилса, ўша юридик шахс;

2) ушбу акциядор ёки унинг яқин қариндошлари қайси юридик шахс



кузатув кенгашининг аъзоси бўлса, ўша юридик шахс;

3) ушбу акциядор ёки унинг яқин қариндошлари қайси юридик шахсда ижроия органининг аъзоси ваколатларини амалга ошираётган бўлса, ўша юридик шахс.

13.4. Жамиятнинг аффилиланган шахси билан тузиладиган битим тўғрисидаги, тузилиши кутилаётган битим тарафининг ёзма билдиришида кўрсатиладиган ахборот жамиятнинг ижроия органи ва ички аудит хизмати томонидан ўрганилади. Жамиятнинг ижроия органи томонидан ўрганиш ёзма билдириш олинганидан кейин уч иш куни ичида амалга оширилади.

13.5. Жамиятнинг кузатув кенгаши аффилиланган шахс билан тузиладиган битим тўғрисидаги ахборотни ўрганади ва аффилиланган шахснинг ёзма билдириши жамиятга келиб тушган санадан эътиборан ўн беш кундан кечиктирмай битим бўйича қарор қабул қилади.

13.6. Агар жамият кузатув кенгашининг икки ва ундан ортиқ аъзоси аффилиланган шахс бўлса, битим бўйича қарор ушбу қонунда белгиланган тартибда ва муддатларда акциядорларнинг умумий йиқилиши томонидан қабул қилинади.

13.7. Жамиятнинг аффилиланган шахси жамиятнинг кузатув кенгаши ёки акциядорларнинг умумий йиғилиши мазкур битим юзасидан қарор қабул қилаётганда муҳокамада иштирок этишга ҳақли эмас ва овоз бериш ҳуқуқига эга эмас.

13.8. Аффилиланган шахс билан тузилаётган битимни маъқуллаш ҳақидаги қарор мажлисда иштирок этаётган жамият кузатув кенгаши аъзолари томонидан бир овоздан ёхуд акциядорларнинг умумий йиғилишида иштирок этаётган акциядорларнинг малакали кўпчилик овози билан қабул қилинади.

13.9. Аффилиланган шахс билан тузилган қайси битим натижасида жамиятга зарар етказилган бўлса ёхуд ушбу битим тузилганлиги оқибатида келгусида зарар етказилиши мумкин бўлса, акциядор ўша битимни ҳақиқий эмас деб топиш юзасидан бевосита ёхуд акциядор номидан даъвогар бўлиб чиқишга ҳақли бўлган ваколатли давлат органлари орқали судга мурожаат қилишга ҳақли.

### **13.10. Аффилиланган шахс билан битимлар тузишдаги истиснолар**

13.11. Юқоридаги қоидалар қуйидагиларга нисбатан татбиқ этилмайди:

тузилишидан жамиятнинг барча акциядорлари манфаатдор бўлган битимларга;

жамиятнинг ишлаб чиқариш ва хўжалик эҳтиёжлари учун тузиладиган битимларга, агар қонун ҳужжатларига кўра реализация қилишнинг махсус тартиби белгиланадиган монопол маҳсулот, моддий – техника ресурсларининг стратегик турлари битим предмети бўлса;

биржа ва кимошди савдолари орқали тузиладиган битимларга, агар жамиятнинг ишлаб чиқариш ва хўжалик эҳтиёжлари учун фойдаланиладиган хом ашё ва материаллар, шунингдек жамият томонидан ишлаб чиқариладиган тайёр маҳсулот битим предмети бўлса;

жамият жойлаштирилган акцияларни олганда;

жамиятни қайта ташкил этишга доир тартиб – таомилларни амалга оширишда;

акцияларни акциядорлар ўртасида жойлаштиришда;

қимматли қоғозларни қимматли қоғозларнинг биржа бозорида ва уюшган биржадан ташқари бозорида реализация қилишда.

#### **XIV. ЖАМИЯТНИНГ БУХГАЛТЕРИЯ ҲИСОБИ ВА МОЛИЯВИЙ ҲИСОБОТИ**

14.1. Жамият қонун ҳужжатларида белгиланган тартибда бухгалтерия ҳисобини юритиши ва молиявий ҳисобот тақдим этиши шарт.

14.2. Жамиятда бухгалтерия ҳисобининг ташкил этилиши, ҳолати ва ишончилиги, тегишли органларга ҳар йилги ҳисобот ва бошқа молиявий ҳисоботлар, шунингдек жамиятнинг расмий веб–сайтида ва оммавий ахборот воситаларида акциядорларга, кредиторларга тақдим этиладиган жамият фаолияти тўғрисидаги маълумотлар ўз вақтида тақдим этилиши учун жавобгарлик жамият ижроия органининг зиммасида бўлади.

14.3. Жамиятнинг молиявий ҳисоботида кўрсатилган ва акциядорларнинг умумий йиғилишига тақдим этиладиган молиявий ҳисоботдаги, бухгалтерия балансидаги, фойда ва зарарлар ҳисобварағидаги маълумотларнинг ишончилиги мулкӣ манфаатлари жамият ёки унинг акциядорлари билан боғлиқ бўлмаган аудиторлик ташкилоти томонидан тасдиқланган бўлиши керак.

14.4. Жамиятнинг йиллик ҳисоботи акциядорларнинг йиллик умумий йиғилиши ўтказиладиган санадан ўн кундан кечиктирмай жамиятнинг кузатув кенгаши томонидан дастлабки тарзда тасдиқланиши лозим;

14.5. Жамият Халқаро молиявий ҳисобот стандартларига мувофиқ тузилган йиллик молиявий ҳисоботни у Халқаро аудит стандартларига мувофиқ ташқи аудитдан ўтказилганидан кейин, акциядорларнинг йиллик умумий йиғилиши ўтказиладиган санадан камида икки ҳафта олдин эълон қилиши шарт.

#### **XV. ТАФТИШ КОМИССИЯСИ, ИЧКИ АУДИТ ХИЗМАТИ, КОРПОРАТИВ МАСЛАХАТЧИСИ**

15.1. Тафтиш комиссияси (тафтишчи). Жамиятнинг молия – хўжалик фаолиятини назорат қилиш учун жамият уставига мувофиқ акциядорларнинг умумий йиғилиши томонидан бир йил муддатга тафтиш комиссияси (тафтишчи) сайланади.

15.2. Жамият тафтишчисига ёки тафтиш комиссияси аъзоларига доир малака талаблари акциядорларнинг умумий йиғилиши томонидан белгиланади. Айни бир шахс айни бир жамиятнинг тафтиш комиссияси таркибига (тафтишчиликка) кетма – кет уч мартадан ортиқ сайланиши мумкин эмас.

15.3. Жамият тафтиш комиссиясининг (тафтишчисининг) ваколат доираси қонун ва мазкур устав билан белгиланади.

15.4. Жамият тафтиш комиссиясининг (тафтишчисининг) фаолият кўрсатиш тартиби акциядорларнинг умумий йиғилиши томонидан тасдиқланадиган низомда белгиланади.

15.5. Жамият тафтиш комиссиясининг (тафтишчисининг) ёзма талабига кўра жамият ижроия органида мансабни эгаллаб турган шахслар жамиятнинг молия – хўжалик фаолияти тўғрисидаги ҳужжатларни тафтиш комиссиясига (тафтишчига) тақдим этиши шарт.

15.6. Жамият тафтишчиси ёки тафтиш комиссиясининг аъзолари бир вақтнинг ўзида жамият кузатув кенгашининг аъзоси бўлиши, шунингдек айни шу жамиятда меҳнат шартномаси (контракт) бўйича ишлаши мумкин эмас.

15.7. Жамиятнинг молия – хўжалик фаолиятини текшириш тафтиш комиссиясининг (тафтишчининг), акциядорлар умумий йиғилишининг, жамият кузатув кенгашининг ташаббусига кўра ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра жамият кузатув кенгашини олдиндан хабардор қилиш йўли билан бир йиллик ёки бошқа давр ичидаги фаолият яқунлари бўйича амалга оширилади.

15.8. Жамиятнинг ички аудит хизмати жамият кузатув кенгашига ҳисобдордир.

15.9. Жамиятнинг ички аудит хизмати жамиятнинг ижроия органи, филиаллари ва ваколатхоналари томонидан қонун ҳужжатларига, мазкур жамият уставига ва бошқа ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб – тамоилларига риоя этилишини, активларнинг сақланишини, шунингдек жамиятни бошқариш юзасидан қонун ҳужжатларида белгиланган талабларга риоя этилишини текшириш ҳамда мониторинг олиб бориш орқали жамиятнинг ижроия органи, филиаллари ва ваколатхоналари ишини назорат қилади ҳамда баҳолайди.

15.10. Жамиятнинг ички аудит хизмати ўз фаолиятини, Ўзбекистон Республикасининг амалдаги қонунларига мувофиқ амалга оширади.

15.11. Жамиятда Ўзбекистон Республикасининг амалдаги корпоратив қонун ҳужжатларига риоя этилиши устидан назорат қилиш учун корпоратив маслаҳатчиси лавозими жорий этилиши мумкин.

## **XVI. ЖАМИЯТНИ ҚАЙТА ТАШКИЛ ЭТИШ, ТУГАТИШ ВА БОШҚА ХОЛАТЛАР**

16.1. Жамиятни қайта ташкил этиш акциядорлар умумий йиғилишининг қарорига кўра қўшиб юбориш, қўшиб олиш, бўлиш, ажратиб чиқариш ва ўзгартириш шаклида амалга оширилади.

16.2. Жамиятнинг тугатилиши Ўзбекистон Республикасининг амалдаги қонун ҳужжатларида белгиланган тартибда амалга оширилади.

16.3. Мазкур уставда белгиланмаган масалалар Ўзбекистон Республикасининг "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги янги таҳрирдаги Қонуни талаблари асосида амалга оширилади.

**"O'ZVAGONTA'MIR" АЖ**  
Бош директори



**Ш.Х.Атаджанов**

**СВИДЕТЕЛЬСТВО****О государственной регистрации юридического лица  
(субъекта предпринимательства)**

Настоящим подтверждается, что в Единый государственный реестр субъектов предпринимательства внесена запись о создании:

Акционерное общество "O'ZVAGONTA'MIR"

(Полное наименование юридического лица – субъекта предпринимательства с указанием организационно-правовой формы)

АО "O'ZVAGONTA'MIR"

(Сокращенное наименование юридического лица)

24.07.2001

(Число, месяц (прописью), год):

За регистрационным номером:

07-000296

Идентификационный номер налогоплательщика (ИНН):

203661294

Организационно-правовая форма:

Акционерное общество

Местонахождение:

город Ташкент, Сергелийский район, NILUFAR KO`CHASI,  
2-A-UY,

Свидетельство выдано:

город Ташкент, Сергелийский район, ЦЕНТР "ОДНО ОКНО"

(Полное наименование регистрирующего органа):



167663



## Сведения об изменении субъекта предпринимательства юридического лица

28.06.2017 г

	До изменений	После изменений
1	Наименование юридического лица - субъекта предпринимательства 203661294, O'ZVAGONTA'MIR	Наименование юридического лица - субъекта предпринимательства <i>Без изменений</i>
2	ОПФ Акционерное общество	ОПФ <i>Без изменений</i>
3	Адрес осуществления деятельности город Ташкент , Яшнободский район , ELBEK KO'CHASI , 8-UY ,	Адрес осуществления деятельности город Ташкент, Сергелийский район, NILUFAR KO'CHASI, 2-A-UY
4	ОКЕД Ремонт и техническое обслуживание железнодорожных локомотивов и подвижного состава, в том числе трамваев, вагонов метро и троллейбусов	ОКЕД <i>Без изменений</i>

## Учредители до изменения

Тип учредителя	ИНН учредителя	Ф.И.О. / Наименование	Сумма	Доля
Юридическое лицо	201051951	O'ZBEKISTON TEMIR YO'LLARI	2 671 404 000.00	90.0 %
Юридическое лицо	203661294	MEHNAT JAMOASI VA "O'ZBEKISTON TEMIR YO'LLARI" AJ XODIMLAR	296 823 000.00	10.0 %
<b>Уставный фонд 2 968 227 000.00 UZS</b>				<b>100.0 %</b>

город Ташкент, Яшнободский район, ЦЕНТР "ОДНО ОКНО"

Подпись: VASIKOV OTABEK ABDULLAZIZOVICH

